



閩媛典第一百五十二卷

閩節部列傳三十四

明二十九 沈妻胡氏

按明外史列女傳會稽胡氏字同里沈妻將嫁而妻邁父鍊難二兄哀妻杖死塞土妻與兄襄並建繫宣府獄總督楊順逢嚴嵩意必欲置二子死榜掠數百獄不具則時時問二子寢食獄卒知其意痛虐苦之諷以死已令夜分具二子病狀薄暮忽謹傳兩監司視獄至則呼妻妻出命且緩襄等不測明日問之則順爲給事中吳時來所劾就檻車去矣襄等遂得釋然妻自是病嘔血匍匐扶父喪歸比服闋始婚胡年已二十七踰六月妻疾大作將不起呼婦叩之對曰向未婚時吾父及昆弟疑君疾逡巡不欲遣我義不回今日固所甘心妻遂卒婦哀哭不絕聲盡出奩具治喪事有他諷者斷髮勞面絕之卽同產非時不見晚染疾家人將迎醫告其父曰寡婦之手豈可令他人視不藥而卒年五十一以襄子嗣

蔡本澄妻戴氏

胡氏附

古今圖書集成
按明外史列女傳戴氏莆田人名清歸蔡本澄年甫十四居二年本澄以世籍戍遼東買妾代婦行戴父與約曰遼左天末五年不歸吾女當改嫁矣至期父語清如約泣不從獨居十有五年本澄歸生一子未晬父子相繼亡清哀毀幾絕父潛受吳公瑞聘清聞之曰人呼女蔡本澄婦又云吳耶卽往父家使絕婚公瑞訟之官官判令守節表曰寡婦清之門時莆又有歐茂仁妻胡氏守節巖苦內外重之郡有獄久不斷人曰太守可問胡寡婦守乃過婦問之一言而決

王世昌妻易氏

按明外史列女傳分宜易氏安福王世昌妻于歸時世昌已遭疾奄奄十餘月易事之衣不解帶世昌亡除喪猶縞素姑憐之謂汝猶處子可終累乎跪泣曰是何言哉父母許我王氏卽終身王氏婦矣自是獨處一樓不窺戶外四十餘年方世昌疾所吐痰血輒手一布囊盛之卒後用所盛囊爲枕枕之終身

歐陽金貞

按明外史列女傳歐陽金貞江夏人幼從父梧受孝經列女傳稍長許字羅欽仰梧官柘城欽仰從

焉梧丁艱歸舟次儀真欽仰墜水死金貞年甫十四驚哭欲赴水從之父母持不許自縊父母曰汝未嫁何得爾對曰女自分無活理卽如父母言願終身稱未亡人大聲哀號不止及殮剪髮繫欽仰左臂以殉抵家葬畢告父母曰有婦本以事姑姑旣失子可并令無婦乎願歸羅以畢所事父母從之後父知廣化縣而羅氏之姑病卒女乃歸寧有諷他適者曰事姑畢矣更何待女曰我昔殮羅郎時有一束髮纏其手誰能掘塚開棺取髮還我則易志矣遂止生平獨臥一樓年六十餘終

陳襄妻倪氏

按明外史列女傳倪氏定海人適鄞諸生陳襄襄早亡氏年三十無子家貧力女紅養姑人有慕其姿者遣媒白姑婦煎沸湯自漬其面左目爆出又以烟煤塗傷處遂成瘡惡狀媒過之驚走不敢復以聘告歷二十年姑壽七十餘卒婦哀號不食而死

彭氏女

按明外史列女傳彭氏女安丘人幼許字王枚臯未嫁枚臯亡誓不再適濰縣丁道平密囑其父欲娶之彭察知六日不食道平悔而止心敬女節烈後聞其疾革不起贈以棺彭語父曰可束葦埋我

亟還丁氏棺地下欲見王枚皐也遂死

吳仕側室潘氏

按皇明通紀潘氏常州東廂下里潘耆女四省提學副使吳仕年六十無嗣於嘉靖十九年七月聘爲側室時年一十七歲至嘉靖二十四年二月仕身故氏生子敦復僅八月時年二十二仕先有嗣子包藏禍心謀刃敦復兼偪嫁氏引刀自決以死自誓抱子襁褓中十餘年不出戶外而子得成立尋薦賢書後不幸復先亡遺孤士貞等俱在齟齬值族兇稅棍結連巨室飛禍搆之其家幾破氏號天禦侮誦體哀求事雖蒙白竟以憂卒年七十四守節五十三年

彭奈妻趙氏 張九鼎妻劉氏

按畿輔通志趙氏真定府人彭奈妻夫亡苦節終身 按畿輔通志劉氏順天府人張九鼎妻鼎

亡育遺子終身嘉靖三年旌表

劉敬妻王氏 宮富妻李氏 劉孟紘妻商氏

按畿輔通志王氏劉敬妻永平府人年二十二夫亡誓不再適紙刺自給年六十五卒嘉靖七年旌

表 按畿輔通志李氏宮富妻永平府人年十九夫亡一子在抱苦節四十年嘉靖八年旌表

按畿輔通志商氏劉孟紘妻永平府人生子珠甫三月而寡饘粥不給商奉姑盡歡年七十終

盧繼伯妻楊氏

按畿輔通志楊氏盧繼伯妻永平府人年十六夫沒氏方娠五月慟欲死姑李氏亦孀居諭曰倘得一子可承祀奈何死後果生男氏乃守節奉姑極孝姑病常月餘晝夜侍奉湯藥不去左右

黃氏女

按畿輔通志黃女名妙宣永平府人年十七許字龍昇未婚而昇夭女聞訃哀慟不食久之議聘女不可父母強之則以死誓知不可奪乃止事親極孝衣服飲食皆出其手族叔孀亡爲撫遺孤勞而不怠年踰七旬顏髮如童

劉世隆妻田氏

張世忠妻郭氏

張雲鵬妻蕭氏

按畿輔通志田氏劉世隆妻永平府人世隆陣亡田年二十有九矢死靡他年八十七卒

按畿

輔通志郭氏張世忠妻永平府人夫亡年二十九苦節二十餘年建坊旌表

按畿輔通志蕭氏

張雲鵬妻永平府人夫亡氏年二十六教子重立登賢書重立又歿遺三幼孫氏復守諸孫成立年七十五卒

羅榮妻林氏

邊簿妻楊氏

孔希鳳妻周氏

按畿輔通志林氏羅榮妻永平府人年二十七榮死家貧子幼苦志自守凡六十九年年九十六卒
按畿輔通志楊氏邊簿妻真定府人夫亡守節終老
按畿輔通志周氏孔希鳳妻真定府人夫亡苦志守節終身

李洪憲妻于氏

張致中妻路氏

按畿輔通志于氏李洪憲妻真定府人夫亡年十九守節終身
按畿輔通志路氏張致中妻
定府人夫亡守節以疾終

宋之鎬妻李氏

褚佐妻陳氏

按畿輔通志李氏宋之鎬妻真定府人年十五適鎬踰年夫亡氏撫棺哀慟幾絕者數次自此悲哀成病以歿臨終囑公姑勿行佛事依文公家禮行之
按畿輔通志陳氏褚佐妻宣府人守節四

十餘年嘉靖己亥旌表

霍文炳妻陳氏

武銘妻李氏

張鉞妻門氏

楊璽妻申氏

按畿輔通志以上四婦俱宣府人守節旌表

潘鉞妻邢氏

曹賢妻沈氏

按畿輔通志邢氏宣府人潘鉞妻鉞官千戶早夭氏撫遺子珙成立襲父職嘉靖丁巳珙以戰死邢泣曰嗣絕矣憂鬱而死
按畿輔通志沈氏宣府人曹賢妻夫死守節四十餘年旌表

王高妻薛氏

按畿輔通志薛氏河間府人王高妻年三十三而寡有兩子二女俱幼繼姑逼令改適百端磨折而氏志終不移姑怒逐氏母子於外備歷艱苦終無怨悔年八十而終

張本妻許氏

周賢妻吳氏

按畿輔通志許氏張本妻河間府人子玉尙幼夫亡年二十三躬紡績訓玉讀書後舉進士爲御史
按畿輔通志吳氏河間府人周賢妻夫亡年二十四子尙文方數歲氏教之力學成人後爲知縣卒

於官氏哭子喪明年八十餘卒

馬蓮妻范氏 朱澄妻郭氏

按畿輔通志范氏河間府人馬蓮妻適蓮五載夫亡遺一子方二歲連遭兵燹家以破殘蔬食不繼氏苦節五十餘年以疾卒 按畿輔通志郭氏永平府人朱澄妻澄亡郭年二十二無子家貧苦節六十年年八十卒

樂義妻倪氏 劉復初妻張氏

按畿輔通志倪氏永平府人樂義妻義亡氏年二十四苦節撫二子卒年八十 按畿輔通志張氏永平府人劉復初妻夫亡氏年二十七僅一女守節養姑年五十二卒

高世勳妻韓氏 洪大金妻劉氏

按畿輔通志韓氏永平府人高世勳妻年二十六夫亡子尙忠方幼氏苦守育子克襲世廕 按畿輔通志劉氏永平府人洪大金妻年二十夫亡家徒壁立撫六子苦節六十餘年

蕭被遠妻劉氏 程繼中妻林氏 鄭廷獻妻羅氏

按畿輔通志劉氏永平府人蕭被遠妻年二十八被遠沒子女俱無苦守四十餘年言笑不苟

按畿輔通志林氏永平府人程繼中妻夫沒引刀自決救之得免遂斷髮毀容秉節終身 按畿

輔通志羅氏永平府人鄭廷獻妻年二十二而獻死遺一子苦守克成

蕭裕遠妻王氏 穆齊崙妻魯氏 韓國禎妻周氏

按畿輔通志王氏永平府人知縣王從正女蕭裕遠妻年三十而裕遠沒止一女苦守終身 按

畿輔通志魯氏永平府人穆齊崙妻年十六崙沒止一子氏撫之成立苦節終身 按畿輔通志

周氏永平府人韓國禎妻夫亡子幼家貧常不舉火日攻鍼黹撫子有成

孫銘妻王氏 張世昌妻楊氏 白鏞妻楊氏

按畿輔通志王氏永平府人孫銘妻夫亡年二十二苦節終身 按畿輔通志楊氏永平府人張

世昌妻夫亡無子守節詔旌表 按畿輔通志楊氏永平府人白鏞妻夫亡養姑苦節詔旌表

張守誠妻范氏 陳表妻戴氏 翟堂妻錢氏

按畿輔通志范氏永平府人張守誠妻夫亡苦節終身 按畿輔通志戴氏永平府人陳表妻年

二十九而寡守節四十餘年卒旌表

按畿輔通志錢氏永平府人翟堂妻堂沒氏年十九子守

志在抱奉姑守節年八十餘終中年子喪與婦相依爲命人稱雙節

李塲妻翟氏

郭經妻張氏

李鶚妻胡氏

按畿輔通志翟氏永平府人李鶚妻年二十七而寡撫孤爲諸生守節四十餘年

按畿輔通志

張氏永平府人進士郭經妻經沒無嗣張守節終身

按畿輔通志胡氏永平府人李塲妻年二

十而寡撫孤守節終其身

艾繡妻霍氏

韓原潔妻王氏

李浣妻韓氏

按畿輔通志霍氏永平府人艾繡妻年二十而寡苦守六十餘年卒

按畿輔通志王氏永平府

人韓原潔妻庚午夫遇害王不憚穢惡泣尋夫屍卽欲枕屍死姑徐氏苦勸而止逾兩月生遺腹子

泰業苦節守志教子成名

按畿輔通志韓氏永平府人李浣妻夫沒無嗣肖夫之祖父像並夫

之像於萬柳莊祀之自製詩文書於壁給事白瑜勒石記之

郭經妻孫氏

按畿輔通志孫氏河間府人郭經妻嫁二載夫亡年二十一遺腹一子亦死姑私受人財欲奪其志氏至死不從事聞於官縣令憐其情判使守節年七十餘卒

李堂妻曹氏

崔義妻李氏

崔鑑妻蕭氏

按畿輔通志曹氏順天府人李堂妻嘉靖二十年堂沒氏年二十矢死靡他旌表

按畿輔通志

李氏順天府人崔義妻嘉靖十八年義沒氏年二十子女俱無家極貧以針黹自給壽八十卒

按畿輔通志蕭氏順天府人崔鑑妻夫亡氏年二十三守節終身嘉靖二十六年旌表

祁果妻陳氏

燕雲妻趙氏

董仲敏妻耿氏

按畿輔通志陳氏河間府人祁果妻夫亡年十九有姿色人爭慕之氏恐不免遂斷髮示志守節至

七十餘終

按畿輔通志趙氏真定府人燕雲妻夫亡守節終身旌表

按畿輔通志耿氏真

定府人董仲敏妻夫亡守節終身旌表

馮紀妻趙氏

按畿輔通志趙氏河間府人馮紀妻夫亡年二十七子自警尙幼氏針黹自給撫警成立娶王氏生

二子方在襁褓而警亦死王年二十四與姑同苦節終身

萬桂妻劉氏

李如鴈妻邵氏

陳獻章妻劉氏

按畿輔通志劉氏河間府人萬桂妻桂亡氏撫孤子邦傑游成均孀居四十年備極艱苦

按畿

輔通志邵氏河間府人李如鴈妻夫亡年二十五家貧子幼苦節終身

按畿輔通志劉氏真定

府人陳獻章妻夫亡氏年二十遺孤四子家貧甚磨粉自給撫諸孤皆成立年九十終詔建坊旌表

汝清妻傅氏

趙思恭妻劉氏

辛棟隆妻張氏

按畿輔通志傅氏汝清妻真定府人夫亡矢志不二苦節終身

按畿輔通志劉氏河間府人趙

思恭妻少寡訓兩子成立糟糠無悔年六十五卒

按畿輔通志張氏永平府人辛棟乾妻夫亡

氏年二十一家庭貧一子尚幼勤女紅以奉養翁姑課子克立

張翹妻楊氏

潘洪妻崔氏

按畿輔通志楊氏張翹妻永平府人年二十而寡養孀姑守四歲子不辭貧苦三世俱以節聞

按畿輔通志崔氏河間府人潘洪妻年十六歸洪甫三年夫亡無子孀居四十年貞操如一日

孟隆妻楊氏

按畿輔通志楊氏河間府人孟隆妻年二十三夫亡子節甫六歲氏誓不再嫁奉公姑撫幼子咸資紡績有富民慕其貞淑遣媒說之氏憤罵與絕翁姑卒盡力營葬教節讀書苦守五十年年七十餘卒

楊淮妻姜氏

按畿輔通志姜氏河間府人楊淮妻夫亡年二十餘一子方二歲氏誓不更嫁晝夜機杼聲不絕及子長生孫又早夭遺諸藐孤俱賴氏成立氏卒年八十五

張雲乾妻趙氏

皮政妻孫氏

任鳳儀妻高氏

按畿輔通志趙氏河間府人張雲乾妻年二十餘夫亡無子家貧誓不更適孀居四十餘年清操如一日年七十餘終按畿輔通志孫氏皮政妻夫亡守節終身按畿輔通志高氏任鳳儀妻夫亡守節終身

王梓妻紀氏

胡繼芳妻李氏

按畿輔通志紀氏河間府人王梓妻夫早亡事孀姑撫幼子苦節終身

按畿輔通志李氏河間

府人胡繼芳妻夫亡年二十二諸子俱在襁褓苦節家貧事親教子享年八十有二

蕭行遠繼妻孫氏

按畿輔通志孫氏蕭行遠繼妻永平府人年二十有疾恐不生育脫簪珥爲夫置媵未幾夫亡伶仃靡倚苦守四十餘年臨終幾不能殮

譚有臨妻郭氏

宮論妻郭氏

劉暹妻王氏

按畿輔通志郭氏永平府人譚有臨妻年二十夫亡誓以死殉衆勸乃止遂苦守終身

按畿輔

通志郭氏河間人宮論妻夫亡年二十五家貧子幼翁衰邁一身勤苦以給老幼子繼孝舉於鄉

按畿輔通志王氏順天府人劉暹妻弘治三年暹沒氏年十九苦志守節撫孤成立嘉靖間旌表

馬邦屏妻子氏

李果妻劉氏

杜廓妻申氏

按畿輔通志子氏河間府人馬邦屏妻年二十二而寡子幼姑老守節以慈孝聞

按畿輔通志

劉氏河間府人李果妻年二十一孀居家貧如洗事翁姑生死無憾教子邦奇爲邑增生苦節五十

年卒 按畿輔通志申氏廣平府人杜廊妻知州汝亮繼母歸杜三載而寡遺子女三人撫之成立事聞旌其閭

張問仁妻胡氏

鄭雲蛟妻劉氏

劉一本妻楊氏

按畿輔通志胡氏河間府人張問仁妻夫亡家極貧苦志守節教子延祚入邑庠年五十八卒

按畿輔通志劉氏河間府人鄭雲蛟妻年二十五孀居無子苦節五十年卒

按畿輔通志楊氏

河間府人劉一本妻夫死紡績事翁姑教子之奇成立

龍三方妻李氏

袁鑑妻張氏

杜貴妻李氏

按畿輔通志李氏廣平府人龍三方妻年十九而寡苦節終身

按畿輔通志張氏廣平府人袁

鑑妻年十八孀居年七十卒

按畿輔通志李氏廣平府人杜貴妻年二十五夫亡苦節四十餘

年以疾終

宋儒母楊氏

按畿輔通志楊氏廣平府人宋儒嫡母生子傑妾趙生儒楊愛儒不翅己出幾爲傑夫婦所害楊曲

爲調護儒乃得全後傑全家客死於閩儒傾已產爲取歸葬氏年九十卒

徐銳妾劉氏李氏史氏

張輔妻王氏

魏明妻張氏

按畿輔通志劉氏李氏史氏俱廣平府人徐銳妾銳沒無子三妾皆少勢家謀娶之終不能奪郡守旌其閭 按畿輔通志王氏眞定府人張輔妻夫亡守節終身旌表 按畿輔通志張氏廣平

府人魏明妻早寡家貧勤織紉教子成立事聞旌表

申成妻李氏

按畿輔通志李氏廣平府人申成妻巡撫佐生母封太孺人贈淑人成亡時佐方在襁褓李事姑訓子拮据四十年旌表

申化妻軒氏

按畿輔通志軒氏廣平府人申化妻太僕佳引生母封太安人佳引生六歲而父沒軒砥節撫孤時時訓以忠孝大義甲申佳引殉難軒曰有子作忠臣吾死無憾年七十四卒有司旌表

張一點妻周氏

申寧妻張氏

武才用妻石氏